



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola XCIV. Ioannis Papae VIII. Ad Vniversos Episcopos Galliae. Vt
Rostagno Arelatensi episcopo, cui vices suas in Gallia commisit, omnes
obediant.

urn:nbn:de:hbz:466:1-15967

diant, nec ne, nostro apostolatui super omnia renunties, si potest in natuitate apostolorum, aut per vos, aut per nostrum legatum aliquem certis literis intimare ne differas. Omnipotens autem Deus sua vos protectione custodiat, honoremque perceptum vos in moribus seruare concedat. Data vt supra.

EPISTOLA XCIV.

IOANNIS PAPÆ VIII.

AD VNIVERSOS EPISCOPOS GALLIÆ.

Vt Rostagno Arelatensi episcopo, cui vices suas in Gallia commisit, omnes obedient.

*Omnibus reuerentissimis & sanctissimis episcopis & fratribus
per Gallias constitutis.*

Ad hoc diuinæ dispensationis prouisio gradus & ditter-
hos constituit ordines inter se distinctos, vt dum re-
uerentiam minores potioribus exhiberent, & potiores mi-
noribus diligentiam impenderent, vna concordia fieret a
diuersitate contextio, & recte officiorum gereretur ad-
ministratio singulorum. Neque enim vniuersitas alia po-
terat ratione subsistere, nisi huiusmodi magnus eam diffe-
rentiæ ordo seruaret. Quia vero creatura in vna eademque
æqualitate gubernari vel viuere non potest, cœlestium mi-
litiarum exempla nos instruunt: quia dum sint angeli, sint
archangeli, liquet quia non æquales sunt, sed in potestate
& ordine, sicut nostis, differt alter ab altero. Si ergo inter
hos, qui sine peccato sunt, ista constat esse distinctio, quis
hominum abnuat huic se libenter dispositioni submittere,
cui nouit etiam angelos obedire? Hinc etenim pax, & ca-
ritas mutua se vice complectitur, & manet firma concor-
dia in alterna & Deo placita dilectione sinceritas. Quia
igitur vnumquodque tunc salubriter completur officium,
cum fuerit unus ad quem possit recurri præpositus: id
circo opportunum esse perspeximus, in ecclesiis quæ
sub regno Galliarum secundum antiquam confuetudinem
sunt, fratri nostro Rostagno Arelatensis ciuitatis episcopo
vices nostras tribuere: quatenus & catholicæ fidei integri-
tas, id est sanctorum quatuor Synodorum, Deo prote-

S.Gregorii
l.4.epift.51.

gente sollicita deuotione seruetur ; & si inter fratres consacerdotesque nostros aliqua euenerit forte contentio , auctoritatis suæ vigore , vicibus nempe sedis apostolicæ functus , discreta moderatione compescat. Cui etiam iniunxi mus , vt si quarumdam causarum tale fuerit certamen exortum , in quo aliorum præsentia opus sit , congregatis sibi numero competenti fratribus & coepiscopis nostris , salubriter seruata hoc æquitate discutiat , & canonica auctoritate definiat. Si quam vero contentionem , quod longe faciat diuina potentia , de fidei causa euenire contigerit , aut negotium emerserit cuius vehemens sit fortasse dubietas , & pro sui magnitudine iudicio sedis apostolicæ indigeat , examinata diligentius veritate relatione sua ad nostram studeat perducere notionem , quatenus a nobis valeat congrua sine dubio sententia terminari. Cui etiam iniunxi mus vt nullum archiepiscopum in his partibus sine pallio a Romano pontifice direcتو consecrationem facere permittat , & facientes nostra auctoritate arguat. Et quoniam necesse est , vt ad eum cui nostras vices indulsimus , quoties oportere perspexerit , pro facienda collatione aptis debeant episcopi temporibus conuenire ; hortamur vt nullus mandatis eius inobediens esse præsumat , nec communici congregationi interesse postponat , nisi aut corporis infirmitas quempiam fortasse vetuerit , aut cuiusdam eum causæ iustæ excusatio minime venire permiserit. Hi tamen qui prohibente aliqua necessitate nequierint in Synodus conuenire , loco suo presbyterum aut diaconum dirigant : quatenus quæ a nostro vicario , Deo auxiliante , fuerint definita , ad eum , qui absens est , per ipsum quem miserit , fida relatione perueniant , vt inconuulsa firmitate seruentur , & nullius ea audeant occasionis excusatione violare. Hoc etiam vos pariter præuidimus admonendos , vt nullus vestrum ad longinquiora loca sine præfati fratris & coepiscopi nostri Rostagni auctoritate tentet aliquomodo profici : scientes quia & prædecessorum nostrorum , qui vices suas eius prædecessoribus concesserunt , sic procul dubio mandata definiunt. Hortamur præterea vt de officio suo sit quisque vestrum sollicitus , & qui promissam cupit patriæ mercedem portionis accipere , commissum sibi gregem sollicitudine & oratione custodiat : ne lupus insidians

oues

oues creditas inuadendo dilaniet, & sit in retributione pœna pro munere. Optamus igitur, fratres carissimi, & totis omnipotentem Dominum precibus exoramus, vt dilectionem vestram boni amoris sui constantia faciat magis magisque feruescere, atque in pace ecclesia & vna vos concedat manere concordia. Nuntiatum vero nobis est quia per Simoniacam hæresin ad sacros ordines quidam adducuntur, & hoc sancto fratri & coepiscopo nostro Rostagno per omnia prohibendum mandauimus: quod ut fraternitas vestra cognoscat & studiose custodiat, ipsa vobis est epistola relegenda. Data vt supra.

EPISTOLA XCVI.

IOANNIS PAPÆ VIII.

AD ISAAC EPISCOPVM LINGONENSEM.

Vt Trecas ad Synodum veniat, & Cabilonum aliquos mitrat qui pontificem eo deducant.

Reuerentissimo Isaac venerabili episcopo Lingonenſi.

Quod sanctitati tuae notum esse non ambigimus, pro sanctarum ecclesiarum statu ad Galliarum partes deuenimus. Quapropter, Domino auxiliante, apud Trecas Synodum sumus celebraturi, ad quam sanctitatem tuam volumus omnino adesse. Prius tamen venerabilitas tua nobis missos Cabilonum dirigere studeat, qui iter nostrum recto tramite ad prædictum dirigant locum: & per parochiam vestram nobis congruas mansionaticas præparate, id est in villa Marmania, in pago Alhensi. Data vt supra.

EPISTOLA XCVII.

IOANNIS PAPÆ VIII.

AD OMNES CHRISTIANOS.

Excommunicat eos qui sibi equos & argenteum vas furati fuerant, nisi intra tres dies restituant.

Omnibus episcopis, comitibus, & cuncto populo Christiano.

NOTVM sit quia dum pro pace & unitate sanctarum Dei ecclesiarum in Gallias venissemus, apud Cabilonum ciuitatem ad iniuriam sanctorum apostolorum Petri & Pauli, & nostram, multam inhonorationem susti-

Concil. Tom. 24.

R